



REPUBLIKA E KOSOVËS/REPUBLIKA KOSOVA
KOMUNA E OBILIQI/OPSTINA OBILIC
DREJTORIA E ADMINISTRATËS PËRGJITHSHME
UPRAVA OPSTE ADMINISTRACIJE



Dalës-lizazna

Nr. X-51
Br.

Data 11.02.2019
Datum

OBILIQ-OBILIC

Republika e Kosovës/Republika Kosova/Republik of Kosova
Komuna e Obiliqit/Opstina Obilic/Municipality of Obiliq



Drejtoria e Arsimit

Për: z.Burim Gërguri, Kryesues i Kuvendit
Përmes : z. Xhafer Gashit, Kryetar Komune
Nga : z. Agim Spahiu, Drejtor në DA
Lënda :Këkesë
Datë: 09.02.2019



Drejtoria e Arsimit kërkon që në Komitetin për Politikë dhe Financa , në seancën e radhës të shqyrtohen ndryshimet dhe plotësimet e Rregullores Për Ndarjen e Bursave Dhe Kompensimin E Shpenzimeve Të Udhëtimit me nr.-I-42 të datës 30.03.2018,të cilat janë në **Draft-Rregulloren për Ndarjen e Bursave, Kompensimin e Shpenzimeve të Udhëtimit, dhe Aktivitet Jashtëshkollore.**

Me nderime !



Republika e Kosovës
Republika Kosova
Republic of Kosovo



Komuna e Obiliqit
Opstina-Obilic
Municipality of Obilic

**DRAFT - RREGULLORE PËR NDARJEN E BURSAVE, KOMPENSIMIN E
SHPENZIMEVE TË UDHËTIMIT DHE AKTIVITETEVE JASHTËSHKOLLORE**

Obiliq, 2019

Duke u bazuar në dispozitat e nenit 12.2, nën pikën (c), nenit 17 pika (s) të Ligjit nr. 03/L-040 për Vetëqeverisjen Lokale ("Gazeta Zyrtare e Republikës së Kosovës"), nr.28/2008, nenit 15 pika 5.1 të Ligjit për Arsimin Parauniversitar nr.04L/032, dhe nenit 81 të Statutit të Komunës së Obiliqit nr.-I-34 të dt.25/04/2016, Kuvendi i Komunës së Obiliqit, në mbledhjen e mbajtur më -----, miratoi:

RREGULLOREN PËR NDARJEN E BURSAVE, KOMPENSIMIN E SHPENZIMEVE TË UDHËTIMIT DHE AKTIVITETEVE JASHTËSHKOLLORE

1.DISPOZITAT E PËRGJITHSHME

Neni 1 Qëllimi

Në këtë Rregullore, përcaktohen procedurat, kushtet, kriteret për ndarjen e bursave, kohëzgjatja e realizimit të bursës, për nxënës të shkollave të mesme të larta, studentët e të tri niveleve në studime akademike, të studimeve themelore, studime në nivelin master dhe doktoraturës, si dhe kompensimin e shpenzimeve të udhëtimit për nxënës në relacionin shtëpi-shkollë dhe anasjelltas, dhe aktiviteteve jashtëshkollore.

Neni 2 Ndarja e bursave

Komuna e Obiliqit, varësisht prej mjeteve financiare që ka në dispozicion, ndanë bursa për nxënës dhe studentë të Komunës së Obiliqit, që mësimet përkatësisht studimet i vijonë në bartësit publik të arsimit parauniversitar dhe universitar.

Neni 3 Shuma financiare

Kryetari i Komunës (në Këshillin e Drejtorëve) merr vendimin, për lartësinë financiare për bursa që ndahen për një vit shkollor, përkatësisht akademik.

Neni 4

Kohëzgjatja e bursës

Bursa ndahet vetëm për vitin shkollor, përkatësisht akademik, për të cilin është publikuar konkursi.

Neni 5

Formimi i komisioneve

Komisionin për ndarjen e bursave edhe ankesave, për nxënës dhe studentë, gjegjësisht kompensimin e shpenzimeve të udhëtimit për nxënës në relacionin shtëpi-shkollë dhe anasjelltas, e formon Kryetari i Komunës.

Neni 6

Shpallja e konkurseve

1. Konkurset shpallen nga Drejtoria e Arsimit (DA) në mjetet e informimit, përkatësisht në një gazetë ditore, në ueb -faqen zyrtare të Komunës dhe në tabelën e shpalljeve.
2. Konkursi do të jetë i hapur 15 ditë, për bursa, ndërsa 30 ditë për kompensimin e shpenzimeve të udhëtimit që nga dita e publikimit.
3. Drejtoria e Arsimit është e obliguar t'i kryejë të gjitha punët tekniko-administrative të domosdoshme dhe të nevojshme gjatë tërë procesit.

Neni 7

Kushtet për ndarjen e bursave

1. Të drejtë për bursë komunale kanë studentët dhe nxënësit, të cilët i plotësojnë këto kushte:
 - 1.1 Të jenë banorë të Komunës së Obiliqit.
 - 1.2 Të jenë të regjistruar si nxënës, përkatësisht studentë të rregullt, për herë të parë në vitin shkollor, gjegjësisht akademik, për të cilin ndahet bursa.

Neni 8

Fëmijët e dëshmorëve

Fëmijëve të dëshmorëve, të cilët janë studentë, u ndahet bursa jashtë kriterëve të përcaktuara me këtë Rregullore, ndërsa të tjerët i nënshtrohen kriterëve të shënuara si në vijim :

Neni 9

Kushtet dhe kriteret për të fituar bursë për studentë

1. Kushtet dhe kriteret për të fituar bursën për studentë janë:

1.1 Niveli i studimeve themelore (bachelor).

- a. Të jenë studentë të regjistruar së paku në vitin e dytë të studimeve.
- b. Të kenë të regjistruar për herë të parë vitin (gjegjësisht semestrin e vitit) për të cilin ndahet bursa.

1.2. Niveli i studimeve master drejtimet:

- a. Fakulteti i Shkencave Matematiko- Natyrore, Departamenti i Matematikës, përkatësisht Fizikës.
- b. Fakulteti Teknik
- c. Specializime në lëmin e mjekësisë.

1.3 Niveli i doktoraturës

Nga lëmitë e shkencave, natyrore, teknike dhe ambientit

Neni 9.

Lartësia e bursës

Lartësia e bursës do të shkallëzohet në 5 (pesë) kategori për :

- a. Studentët e vitit të dytë, me notë mesatare gjerë në 8-të, kategori e parë.
- b. Studentët e vitit të dytë, me notë mesatare, 8-të e më tepër, kategori e dytë.
- c. Studentët e vitit të tretë, me notë mesatare gjerë në 8-të, kategori e dytë.
- d. Studentët e vitit të tretë, me notë mesatare, 8-të e më tepër, kategori e tretë.
- e. Studentët e vitit të katërt, me notë mesatare gjerë në 8-të, kategori e tretë.
- f. Studentët e vitit të katërt, me notë mesatare, 8-të e më tepër, kategori e katërt.
- g. Studentët e vitit të pestë, me notë mesatare gjerë në 8-të, kategori e katërt.
- h. Studentët e vitit të pestë, me notë mesatare, 8-të e më tepër, kategori e pestë.

Neni 10

Bonuset

1. Studentët e këtyre kategorive kanë bonus shtesë, prej 0.5 (gjysëm pikë) më tepër, në aspektin e notës mesatare, notë mesatare që e përcakton kategorinë e studentit për bursë, sipas nenit 9 të kësaj Rregulloreje si:

1.1 Personat me nevoja të veçanta .

1.2 Rastet sociale, gjendja e tyre ekonomike financiare .

1.3 Studentët e veteranëve dhe invalidëve të luftës së UÇK-së .

- 1.4 Studentët, prindërit e të cilëve kanë qenë të burgosur politik .
- 1.5 Studentët nga komunitetet pakicë.
- 1.6 Studentët që nuk i kanë prindërit, apo nuk jetojnë më prindër .
- 1.7 Studentët që vijnë nga familjet që kanë më shumë se dy studentë .

Neni 11 **Dëshmitë për rastet sociale**

Gjendja ekonomike financiare e familjes (prindërve apo kujdestarit) të nxënësit apo studentit, vërtetohet sipas dëshmisë që e lëshon Qendra për Punë Sociale në Obiliq. Komisioni për ndarjen e bursave e ruan të drejtën të hulumtojë dhe të vërtetojë gjendjen e vërtetë ekonomike dhe financiare të kandidatit.

Neni 12 **Ndarja e çmimit**

Nga fondi i Kryetarit të Komunës, ndahen bursa, në emër të çmimit „ Adem Preniqi” për studentët më të dalluar të vitit përkatës.

Bursat ndahen me rastin e 28 Nëntorit- Ditës së Flamurit. Lartësia (shuma) e bursës do të jetë me koeficient, sa dyfishi i bursës së rregullt të vitit përkatës.

Neni 13 **Kushtet dhe kriteret për ndarjen e çmimit**

1. Përfituesi i bursës për çmimin „ Adem Preniqi”, do të zgjidhet nga aplikuesit për bursë të rregullt, në bazë të këtyre kriterëve:
 - 1.1 Të jetë student-e në vitin e fundit të studimeve.
 - 1.2 Të mos ketë të përsëritur ndonjë vit gjatë studimeve.
 - 1.3 Të ketë eliminuar, përkatësisht përfunduar vitin paraprak për të cilin ndahet bursa.
 - 1.4 Të ketë notën mesatare, më të lartë gjatë studimeve (të të gjitha viteve paraprake) ndaj studentëve tjerë, por jo më pak se 9 (nëntë).
2. Bonusi (shtesa) në aspektin e notës mesatare, që është paraparë në nenin 10, të kësaj Rregulloreje, nuk vlen (nuk aplikohet), për çmimin „Adem Preniqi”.
3. Nëse nota mesatare e konkurrentit është e njëjtë, atëherë numri i provimeve të dhëna për vit të njëjtë të studimeve, do të merret në konsideratë si përparësi.

Neni 14 **Ndarja e çmimit sipas kriterëve të njëjta**

Në qoftë se disa studentë ose studente i kanë kriteret e njëjta, sipas nenit 13, atëherë studenti që ka më tepër provime të dhëna ka përparësi, në qoftë se edhe në këtë rast kriteret e

plotësuar janë të njëjta atëherë, çmimi „Adem Preniqi” do të ndahet me short, kushtin e shortit do ta përcaktojë Kryetari i Komunës .

Neni 15

Kriteret për të fituar bursë për nxënës

1. Kriteret për të fituar bursën për nxënës janë:

- 1.1 Të kenë të përfunduar klasën paraprake të shkollës së mesme me sukses të shkelqyeshëm.
- 1.2 Për nxënës, familjet e të cilëve janë raste sociale, në aspektin e gjendjes ekonomiko- financiare (edhe për klasat e dhjeta)..
- 1.3 Të vijojnë mësimin rregullisht, në shkollat e mesme të Komunës së Obiliqit.

Neni.16

Kompensimi i shpenzimeve të udhëtimit

1. Komuna e Obiliqit do të bëjë kompensimin e shpenzimeve të udhëtimit në relacionin shtëpi –shkollë dhe anasjelltas, për nx. të Komunës së Obiliqit që mësimet i vijojnë në shkollat e komunës së Obiliqit (përfshirë drejtimet e shkollës së mesme të cilat nuk janë në Komunën e Obiliqit), për këto kategori:

- 1.1 Nëse distanca e udhëtimit shtëpi–shkollë për nxënës, është së paku katër (4) km.
- 1.2 Për nxënës me nevoja të veçanta.
- 1.3 Për nxënës, familjet e të cilëve janë raste sociale, në aspektin e gjendjes ekonomiko- financiare (në qoftë se në relacionet e udhëtimit të këtyre nxënësve ,i është i organizuar udhëtimi).

Neni 17

Lartësia e kompensimeve të udhëtimeve

Kryetari i Komunës, në Këshillin e Drejtorëve merr vendim për shumën (lartësinë) e kompensimit të shpenzimeve të udhëtimit në relacione të udhëtimit shtëpi - shkollë dhe anasjelltas, për secilën kategori të nxënësve veç e veç, sipas nenit 16.

Neni 18

Aktivitetet jashtëshkollore

Aktivitetet jashtëshkollore për nxënës :

1. Shetitja njëditore, mbrëmja e semimaturës për nx. të kl. të 9-ta.
2. Ekskursioni , mbrëmja e maturës për maturantët.

Do të kompensohen, në qoftë se familjet (prindërit apo kujdestarët) e tyre janë raste sociale në aspektin ekonomiko -financiar.

Neni 19
Lartësia e kompensimit të aktiviteteve jashtëshkollore

Kryetari i Komunës, në Këshillin e Drejtorëve merr vendim për shumën(lartësinë) e kompensimit të shpenzimeve të aktiviteteve jashtëshkollore, për secilin nivel të paraparë sipas nenit 18.

Neni 20
Vlerësimi i kushteve dhe kritereve

- 1.Pas skadimit të afatit për konkurim, komisioni do të bëjë shqyrtimin e kërkesave, dhe do të hartojë listën përfundimtare të kandidatëve përfitues të bursës gjegjësisht përfitues të kompensimit të udhëtimit, gjithnjë duke u bazuar në kushtet dhe kriteret e përcaktuara me këtë Rregullore .
- 2.Lista e përfituesve të bursës dhe përfituesve të kompensimit të udhëtimit do të shpallet publikisht, dhe do të vendoset në tabelën e shpalljeve të Komunës së Obiliqit, dhe në ueb-faqen zyrtare të Komunës.

Neni 21
E drejta e ankesës

Kundër vendimit të komisionit për ndarjen e bursave dhe kompensimit të udhëtimit, lejohet ankesë, në afat prej 15 ditësh nga dita e shpalljes, përkatësisht publikimit të listës së përfituesve të bursës, gjegjësisht përfituesve të kompensimit të udhëtimit, ankesa i drejtohet komisionit për ankesa.

Neni 22
Lidhja e kontratave

- 1.Me nxënës dhe studentë që e fitojnë bursën, dhe të drejtën e kompensimit të udhëtimit në relacionin shtëpi-shkollë lidhet kontratë .
2. Kontrata përpilohet nga DKA, e cila nënshkruhet nga përfituesi i bursës, Kryetari i Komunës dhe Drejtori i Arsimit.
- 3.Nëse brenda afatit prej 30 ditësh, nga dita e njoftimit të kandidatit, përfituesi i bursës apo kompensimit të udhëtimit, nuk e nënshkruan kontratën, kjo do të konsiderohet se ka hequr dorë nga bursa apo kompensimi i udhëtimit.
- 4.Me kontratë do të përcaktohet kohëzgjatja e dhënies së bursës dhe kompensimit të udhëtimit.

Neni 23
Procedurat e pagesave

1.Mjetet do të alokohen në xhirrollogarinë e përfituesve të bursës, dhe përfituesve të shpenzimeve të udhëtimit, pranë ndonjë banke komerciale.

2.Drejtoria për Ekonomi, Financa dhe Zhvillim, Drejtoria e Arsimit janë të obliguara që të përkujdesen për alokimin e mjeteve të përfituara për bursë në afatin sa më të shkurtër kohor.

3.Pagesa për bursë dhe kompensim të udhëtimit bëhet në dy pjesë, pjesa e parë në gjysmëvjetorin e parë të vitit shkollor, dhe në semestrin e parë të vitit akademik, kurse pjesa e dytë do të bëhet në gjysmëvjetorin e dytë të viti shkollor, dhe në semestrin e dytë të vitit akademik.

DISPOZITAT KALIMTARE - PËRFUNDIMTARE

Neni 24
Zbatimi i Rregullorës

Zbatimin e kësaj Rregulloreje nën mbikëqyrjen e Kryetarit të Komunës e bëjnë :Drejtoria për Arsim dhe Drejtoria për Ekonomi, Financa dhe Zhvillim.

Neni 25
Shfuqizimi

Me hyrjen në fuqi të kësaj Rregulloreje shfuqizohet Rregullorja Mbi Ndarjen e Bursave për Nënënës dhe Studentë të Komunës së Obiliqit me nr.-I-42 e dt.30/03/2018.

Neni 25
Hyrja në fuqi

Kjo Rregullore hyn në fuqi 7 ditë pune pas publikimit në ueb -faqen e Komunës së Obiliqit dhe publikimit në ueb- faqen e Gazetës Zyrtare të Republikës së Kosovës.

KUVENDI I KOMUNËS SË OBILIQIT

Kryesuesi i Kuvendit
Burim Gërguri

nr. _____ datë _____ 2019
